

武英殿聚珍版書

吳興府志卷之五

直齋書錄解題卷二十一

宋 陳 振 孫 撰

歌詞類

花閒集十卷

蜀歐陽炯作序稱衛尉少卿字宏基者所集未詳何人其詞自溫飛卿而下十八人凡五百首此近世倚聲填詞之祖也詩至晚唐五季氣格卑陋千人一律而長短句獨精巧高麗後世莫及此事之不可曉者放翁陸務觀之言云爾

南唐二主詞一卷

中主李璟後主李煜撰卷首四闕應天長望遠行各
一浣溪沙二中主所作重光嘗書之墨迹在盱江晁
氏題云先皇御製歌詞余嘗見之於麥光紙上作撥
鐙書有晁景迂題字今不知何在矣餘詞皆重光作
陽春錄一卷

南唐馮延巳撰高郵崔公度伯易題其後稱其家所
藏最爲詳確而尊前花閒諸集往往謬其姓氏近傳
歐陽永叔詞亦多有之皆失其真也世言風乍起爲

延已所作或云成幼文也今此集無有當是幼文作
長沙本以寘此集中殆非也

家宴集五卷

序稱子起失其姓氏雍熙丙戌歲也所集皆唐末五
代人樂府視花閒不及也末有清和樂十八章爲其
可以侑觴故名家宴也

珠玉集一卷

晏元獻公殊撰其子幾道嘗言先公爲詞未嘗作婦
人語以今攷之信然

張子野詞一卷

都官郎中吳興張先子野撰李常公擇爲六客堂子
野與焉所賦詞卒章云也應傷有老人星蓋以自謂
是時年八十餘矣東坡倅杭數與唱酬聞其買妾爲
之賦詩首末皆用張姓事吳興志稱其晚年漁釣自
適至今號張釣魚灣死葬弁山下在今多寶寺案歐
陽集有張子野墓誌死於寶元中者乃博州人名姓
字偶皆同非吳中之子野也

杜壽域詞一卷

京兆杜安世壽域撰未詳其人詞亦不工

六一詞一卷

歐陽文忠公脩撰其閒多有與花閒陽春相混者亦有鄙褻之語一二廁其中當是仇人無名子所爲也

樂章集九卷

柳三變耆卿撰景祐元年進士官至屯田員外郎世號柳屯田初磨勘及格昭陵以其浮薄罷之後乃更名永其詞格固不高而音律諧婉語意妥帖承平氣象形容曲盡尤工於羈旅行役若其人則不足道也

東坡詞二卷

蘇文忠公軾撰集中戚氏敘穆天子西王母事世不知所謂李端叔跋詳之蓋在中山燕席閒有歌此闕者坐客言調美而詞不典以請於公公方觀山海經卽敘其事爲題使妓再歌之隨其聲填寫歌竟篇就纔點定五六字而已端叔時在幕府目擊必不誣或言非坡作豈不見此跋耶今坡詞多有刊去此篇者

山谷詞一卷

黃太史庭堅撰

淮海詞一卷

秦觀撰

晁无咎詞一卷

晁補之撰晁嘗云今代詞手惟秦七黃九他人不能及也然二公之詞亦自有不同者若晁无咎佳者固未多遜也

後山詞一卷

陳師道撰

閒適集一卷

晁端禮次膺撰熙寧六年進士兩爲縣令忤上官坐
保甲事中以危法廢徙晚乃以承事郎爲大晟府協
律三閱月而卒其從姪說之志其墓

晁叔用詞一卷

晁沖之撰壓卷漢宮春梅詞行於世或云李漢老作
非也

小山集一卷

晏幾道叔原撰其詞在諸名勝中獨可追逼花間高
處或過之其爲人雖縱弛不羈而不苟求進尙氣磊

落未可貶也

清真詞二卷後集一卷

周邦彥美成撰多用唐人詩語隲括入律渾然天成
長調尤善鋪敘富豔精工詞人之甲乙也

東山寓聲樂府三卷

賀鑄方回撰以舊譜填新詞而別爲名以易之故曰
寓聲

東堂詞一卷

毛滂澤民撰本以斷魂分付潮回去見賞東坡得名

而後詞雖工未有能及此者

溪堂詞一卷

謝逸無逸撰

竹友詞一卷

謝邁幼槃撰

冠柳集一卷

王觀通叟撰號王逐客世傳霜瓦鴛鴦其作也詞格不高以冠柳自名則可見矣

姑溪集一卷

李之儀端叔撰

聊復集一卷

定安郡王趙令時德麟撰

後湖詞一卷

蘇庠養直撰

大聲集五卷

万俟雅言撰嘗遊上庠不第後爲大晟府製撰周美
成田不伐皆爲作序

石林詞一卷

詞苑書金角是 卷二十一
葉夢得少蘊撰

蘆川詞一卷

三山張元幹仲宗撰坐送胡邦衡詞得罪秦相者也

赤城詞一卷

陳克子高撰詞格頗高麗晏周之流亞也

簡齋詞一卷

陳與義撰

劉行簡詞一卷

劉一止撰嘗爲曉行詞盛傳於京師號劉曉行

順庵樂府五卷

康與之伯可撰與之父倬惟章詭誕不檢事見揮麈
錄與之又甚焉嘗挾吳下妓趙芷以遁與蘇師德仁
仲有隙遂興蘇玘訓直之獄玘仁仲之子而常同子
正之壻也與之受知於子正一朝背之士論不齒周
南仲嘗爲作傳道其實如此世所傳康伯可詞鄙褻
之甚此集頗多佳語陶定安世爲之序王性之蘇養
直皆稱之而其人不自愛如此不足道也

樵歌一卷

正齊書鈔角是
卷二十一
朱敦儒希真撰

初寮詞一卷

王安中撰

丹陽詞一卷

葛勝仲撰

酒邊集一卷

戶部侍郎向子諲伯恭撰自號薌林

漱玉集一卷

易安居士李氏清照撰元祐名士格非文叔之女嫁

東武趙明誠德甫晚歲頗失節別本分五卷

得全詞一卷

趙忠簡鼎元鎮撰

焦尾集一卷

韓元吉撰

放翁詞一卷

陸游撰

石湖詞一卷

范成大撰